

安陸府志卷之一

郡紀

徵考

沿革

荆域楚都實紀南國徵考宜詳沿革乃識世代  
遠興替靡測史冊昭然來茲典則作郡紀

徵考

赫胥氏起於潛

顓頊高陽氏建九州其南爲荆唐堯制如高陽

虞舜肇十有二州其一荊州

夏禹平水土還爲九州荆及衡陽惟荊州

安陸府志

卷一

一

商湯奄有九有制如夏

周文王之化自北而南江漢之域先被其澤謂之周  
南於是作漢廣之詩

武王革殷亦爲九州正南曰荊州川曰江漢藪曰雲

夢

成王封鬻熊曾孫熊繹于荆蠻胙以子男之田居丹  
陽其後都郢更名曰楚

昭王五十一年王巡狩返濟漢舟解王與祭公俱溺

焉

水經註左桑處在  
雲柱昭王溺處

桓王十八年楚屈瑕將盟貳軫鄖人軍于蒲騷將與

隨絞州蓼伐楚師莫敖患之次于郊郢以禦四邑

遂敗鄖師于蒲騷杜預註鄖在雲杜縣東南有鄖城

惠王元年楚武王克權遷于那處通考云權在陽郡當陽即今荆門軍

使闔敖尹之

襄王十七年秦晉伐郟楚闔克屈禦寇以申息之師

戍商密即郟別邑

定王二年若敖娶于鄖漢書雲杜縣注今鄖亭是也

三年楚莊王總帥諸侯觀兵周郊并吞江漢之間

安陸府志 卷一 二

景王十六年楚公子比為王公子黑肱為令次于魚

陂杜預注竟陵北有甘魚地楚守甘魚之口亦此地

敬王十四年楚滅鄖封闔辛為鄖公是歲吳師入鄖

昭王奔鄖郢公辛與王出奔隨濟于成臼杜預註成臼水

出聊屈山郎今白鎮

赧王三十七年秦白起攻楚拔鄖置南郡

秦昭襄王八年使將軍芊戎伐楚取新市裴中紀引

江夏有新市縣

秦併六國分三十六郡改鄖都為鄖縣

漢高帝更置江夏郡臨沮當陽編都屬南郡竟陵雲  
杜屬江夏郡王莽改竟陵曰守平

莽地皇元年竟陵三老

漢鄉官名  
姓名闕

起兵于郡界新

市人王匡王鳳與馬武王嘗共起雲杜綠林中二  
年荊州牧發兵攻之匡等迎擊于雲杜大破牧軍  
遂攻拔竟陵

高后三年夏南郡大水水出流四千餘家

八年南郡水復出流六千餘家 南陽沔水流萬餘  
家

安陸府志

卷一

三

武帝時當陽縣南見八龍五鳳又王泉乳窟有白蝙蝠  
大如鴉

光武既定天下迺分安陸地立南新市侯國屬江夏  
郡

建武十年岑彭潛渡沔水擊秦豐將張楊于阿頭山  
破之徙種七千餘口置江夏界中

今沔中  
蠻是也

順帝永建四年荆部淫雨傷稼

桓帝延熹七年正月桓帝幸竟陵過雲夢臨沔水

獻帝建安三年九月蜀先主敗于長坂斜趨漢津與

關羽舡會得濟沔

竟陵先主有廟

十月吳周瑜破曹操于烏林

按史容引次江正在被燒

北與赤璧對之故關羽亦曰烏林之役

諸葛恪征淮南假融節令引軍入沔以擊西兵

建安十三年權討黃祖祖橫兩蒙衝挾守沔口

二十四年蜀先主自陽平南渡沔水于定軍山勢作

營大破夏侯淵軍

秋平西將軍馬超等一百二十人上先主為漢中王

於沔陽設壇場

安陸府志

卷一

四

青龍六年吳將朱然入柵中斬獲數千柵中民吏萬

餘家渡沔

關羽圍征南將軍曹仁於樊羽軍既退舟船猶據淮

水

司馬宣王治水軍於荊州欲順沔入江伐吳

夏侯尚圍江陵使文聘別屯沔口

昭烈帝章武五年春丞相亮相出屯漢中營沔北陽平

石馬

景耀六年春詔為亮立廟於沔陽

吳嘉禾三年夏五月孫權遣陸遜諸葛瑾等屯江夏沔口以向襄陽

五年權北征使遜與諸葛瑾攻襄陽遜遣韓扁齎表奉報還遇敵於沔中鈔邏得扁瑾聞之大懼遜議令瑾督舟師悉以馬兵向襄陽魏人遽還入城遜乃擊江夏新市安陸石陽獲千餘人而還

晉世祖泰始五年正月壬寅以羊祜都護荊州諸軍事開建五城墾田八百餘頃石城以西盡歸于晉咸寧二年七月閏月荊州郡國大水流四千餘家

安陸府志

卷一

五

三年七月荊州水

太康元年杜預鎮襄陽開揚口通零桂之漕水經北注揚水

逕竟陵縣北注于沔謂之揚口

惠帝元康五年六月荊州水

九年分江夏西部都尉立竟陵郡治石城領縣六長壽

竟陵新市雲杜城新陽雲杜

永安二年正月義陽蠻張昌聚黨爲亂江沔間起兵應之

七月荊州刺史劉弘以南蠻長史陶侃爲大都護先

據郢州遣攻昌于竟陵大破之

六年冬十月甲申將軍丁封孫異如沔中救蜀

懷帝永嘉三年秋七月戊辰當陽地裂三所廣三丈

長二千餘步

六年正月胡亢聚衆于竟陵自號楚公以杜曾爲竟

陵太守

愍帝建興元年十月荊州刺史陶侃討杜弢之黨于

石城戰敗

十二月杜弢將王眞襲沔陽

郡國志沔陽縣卽楚王城

安陸府志

卷一

六

元帝永昌五年冬沔南邾城之敗百姓流亡數萬餘家

元帝使王導討石勒勒焚輜重裹糧卷甲渡沔寇江

夏太守楊岷棄郡而走

安南將軍甘卓與譙王承書勸使兵出沔口斷王敦

歸路

成帝咸康五年九月石虎將夔安李農進圍石城竟

陵太守李陽拒戰破之

穆帝永和四年十月石虎使其將苻健寇竟陵

升平五年四月己未鳳凰集沔北至于辛酉百姓聚觀之

帝奕太和三年四月慕容暉將慕容塵寇竟陵太守羅崇擊破之

武帝太元六年十一月秦荊州刺史都貴遣其將闔

振吳仲寇竟陵桓中遣將軍桓石虔與其弟石友

戰于激水大破之水經注于激水西南

六年竟陵木產連理上有光

十五年八月己丑沔中諸郡大水

安陸府志 卷一 七

安帝隆安三年五月大水平地三丈

義熙元年三月建威將軍劉懷肅自雲杜引兵馳赴

與桓玄將桓振戰于沙橋卽今沙市

桓振復襲江陵寧朔將軍張暢之高平相劉懷肅自

沔攻振走之

八年庾亮以陶稱爲南中郎將率部曲五千人入沔

中

苻堅使其將郝貴守襄陽冲使揚威將軍朱綽討之

遂焚燒沔北田稻拔六百餘戶而還

亮爲荊州將謀北伐以桓宣爲都督□北前鋒征討  
軍事司州刺史假節鎮襄陽季龍使騎七千渡沔  
攻之

恭帝元熙二年秋八月竟陵郡上巾水戍山得銅鐘  
七口

南宋太祖元嘉二十七年二月壬辰白兔見竟陵刺  
史南譙王義宣以獻

明帝泰始五年冬十月庚辰郢州獲玄璧圓徑八寸  
安西將軍蔡興宗以獻

安陸府志

卷一

八

齊武帝永明元年五月郢州丁坡屯獲白雀一  
和帝中興元年蕭衍至竟陵命王茂曹景宗爲前軍  
進逼郢以中兵參軍張法安守竟陵城

梁武帝普通元年以蕭景爲安西將軍郢州刺史  
四年蠻酋渠田金生據新陽已而討平之遂于新陽  
立新州梁寧郡

大通二年改魏郢州爲北司州以夏侯夔爲刺史兼  
督司州

四年以大尉元法僧爲驃騎大將軍開府同三司之



儀郢州刺史

五年魏荊州刺史賀拔勝遣軍攻沔陽拔之

大同元年以皇孫當陽公大心出爲使持節都督郢

南北司定新五州諸軍事

太清三年竟陵郡守孫暘以郡叛入于魏宇文泰使

大都督符貴鎮之

簡文帝大寶元年正月楊忠孰司州刺史柳仲禮于

滌頭別將王叔孫以竟陵降于忠

八月湘東王繹遣領軍將軍王僧辨率衆逼郢州

安陸府志

卷一

九

魏正昌三年梁雍州刺史蕭藻遣新陽太守邵道林

於沔水之南石城東北立清水戍爲抄掠之基東

荊州表太陽桓叔興遣諸蠻擊破之

陳武帝永定二年十一月甲子以武昌國川爲竟陵

郡以安流民

七年四月壬子郢州獻鐘六

禎明二年四月郢州南浦水黑如墨

建德四年滅齊封齊主緯爲溫國公

隋開皇初張照從楊素伐陳破陳將呂肅於荆門四

年肅復據荆門之延州素遣巴蠻率千人由漢江乘五牙四艘以栢檣碎賊十餘艦遂大破之俘甲士二千餘人

十一年十一月城父朱粲聚衆轉掠荆沔所過無噍類

恭帝義寧元年十月沔陽人張繡謀據郡叛隋推肅銑爲主

唐高祖武德四年隋真定令周法明遣子紹德攻沔陽拔之因以城降于唐

安陸府志

卷一

十

五年改復州屬山南道領縣三

沔陽竟陵監利

是年徙復州

治竟陵

太宗貞觀元年廢郢州以長壽隸都州章山屬江陵郡以都州領長壽省上洪藍水入焉

德宗貞元八年有秋

二十一年析長林置荆門縣屬江陵府

穆宗長慶四年郢州漢水溢決

宣宗大中間置征科巡院于白洑屬荆南節度使

僖宗乾符三年十一月濮州賊王仙芝黃巢攻陷復

州

六年招討使曹全晟師次荆門與賊黃巢戰伏兵追巢大敗之

光啟元年春正月淮南叛將張壞韓師德陷復州據之

昭宗天祐元年八月朱全忠遣楊師厚攻趙匡凝復郢七州取之

五代梁太祖賜荆南節度使高季昌爲王鎮江陵築隄防于潛江

安陸府志

卷一

十一

均王貞明五年五月吳武昌節度使季簡帥水軍攻復州執知州鮑唐

後晉高祖天福元年改竟陵縣曰景陵高季昌建荆門縣爲荆門軍治當陽等省

二年南平王高季昌開府于荆臺設貢院軍治南後漢高祖乾祐元年高從誨朝貢求郢州不與從誨怒攻郢州爲刺史尹實所敗

宋太平興國二年春夏霪雨 秋七月復州漢江漲壞城及民居

四年秋九月復州沔陽湖溢壞民舍田稼

五年秋七月復州江漲決堤

八年夏六月長林縣山水暴漲壞民舍五十區溺死五十六人

淳化二年秋七月復州江漢水漲壞民田廬

眞宗咸平四年七月霍明據郢州荆南制置使岳飛討之遂復郢州

景德四年十一月郢州火焚倉庫殆盡

祥符元年冬十月復州產芝三本狀顛仙佛像

安陸府志

卷一

十二

仁宗天聖三年冬十月京山水暴漲漂没人畜甚衆縣令唐用之溺死

神宗熙寧六年廢復州以景陵隸安州並入玉沙廢荆門軍以荆門隸江陵府

欽宗靖康二年金人入寇殺鎮海軍節度使劉延慶犯復州攝德安守劉規連戰破之

高宗建炎中江陵令決潭陂入于江旣而夏淹漲溢害及復州千餘里

四年劉超合叛將彭筠犯復州是年置鎮撫使復州

□□三年夏五月復州水

六年胡安國上疏論興復之基言欲固上流必保漢

□欲固中流必以重兵鎮安陸

二十八年監察御史都民望疏言江陵沿江北岸古  
堤名曰黃潭建炎間決引江水禦盜既而水漲荆  
南受害始議塞乞令縣官隨方修補從之

建隆三年有象自黃陂至復州踐民田遣使捕之

三年春以李處耘爲都監命圖荆南師次荆門倍道

安陸府志

卷一

十三

率兵入據荆城

孝宗乾道七年十月湖北漕臣李燾修里社虎渡二  
堤

淳熙三年夏復州旱 冬大饑

十月臣僚奏減復州等處增稅

趙方主管湖北安撫司使時因金偪於兵計其必南  
徙夜爲備荆門有東西兩山險要方築堡其上增  
戍兵以遏其衛

四年郢州饑

八年秋七月復州不雨至冬十一月明年夏五月不雨至於秋七月

十五年夏五月復州水大風

寧宗開禧二年金人圍襄陽德安游騎迫景陵京湖宣撫使吳玠遣張榮將兵援之金人犯景陵榮死焉玠募死士入景陵命其將王宗廉固守調大軍分道夾擊金人遂去時學諭陳嘉言亦死之

理宗端平三年蒙古忒木鯁攻襄陽江陵知復州施

于仁死之是年復州景陵併徙治沔陽鎮以玉沙負郭

安陸府志

卷一

十四

淳祐十二年二月壬子元兵攻郢京西馬布軍副總管馬恭戰嚴竇山癸未戰于銅冶坪丁亥戰于陵大脊山丁未守三汉口

景定元年汪立信疏請益安陸府屯兵

度宗咸淳八年五月詔荆湖制置移司郢州將帥悉

駐新郢新郢即京山

九月復州副將翟國榮遇元兵戰爛泥湖死之

十年元將伯顏及宋兵戰于風波湖

十月丁巳元兵攻郢州都統張世傑將兵屯郢力戰

禦之阿朮進兵至沙洋遣俘招世傑不應

十月戊午元伯顏進破沙洋堡擒守將王虎臣王大用遂拔新城都統邊居誼死之

十一月伯顏兵次復州安撫使翟遺迎降伯顏諭諸將不得入城

郢州副都統趙文義追戰全子湖死恤其家贈翟國榮復州團練使官其二子立廟復州壬戌以錢百萬給郢州城屯戍將士

十年元兵襲當陽縣尉謝徽民及二子死之

安陸府志

卷一

十五

恭宗德祐元年夏郢州安撫趙孟以城降

四月元將阿里海牙寇江陵宣撫朱禊孫制置高達降禊孫檄所部歸附郢復荆門諸郡皆降

元世祖初改江陵府爲中興路領潛江隸河南行省至元九年潛江大水

十五年改郢州爲安陸府隸河南行省領縣一長壽移

荆門府治古城領縣二長陽

十一月棗陽萬戶府言李均改撫大洪山寨爲宋朱都統所害命賜銀千兩賙其家

十六年改復州路爲沔陽府隸河南行省領縣二沙玉

景陵

成宗元貞二年沔陽水復風傷禾

六年潛江沔陽玉沙大水

大德九年夏五月至秋七月玉沙江溢

仁宗延祐元年夏六月沔陽府饑

七年春三月丁丑荆門州旱

英宗至治元年秋八月壬寅安陸大雨七日江水大

溢壞民廬舍九月京山長壽二縣漢水溢被災者

安陸府志

卷一

十六

三千五百餘名

泰定元年四月荆門州饑

三年冬十二月沔陽府旱

四年秋八月當陽地震

順帝至元元年冬當陽覆船山生紫芝十二月己酉

朔荆門州以獻

至正九年秋七月潛江沔陽大水

十二年紅巾賊俞君正攻荆門知縣聶炳力戰死賊

支解之



春正月竹山縣賊陷荆門州丑驢達魯花死之  
十五年春正月徐壽輝遣其將倪文俊復陷沔陽陳  
友諒亦起于黃蘆

六月命章佩監丞普顏帖木兒翰林院修撰烈瞻招  
諭沔陽

七月命叅知政事哈林禿及王塔失帖木爾守禦沔  
陽如賊不降郎進兵討之

十一月以太不花爲湖廣行省左丞相總兵招捕沔  
陽

安陸府志

卷一

十七

明太祖命平章常遇春取湖廣襄陽諸郡論之曰安  
陸襄陽橫據上流控扼南北自古所必爭之地堅  
城之下難以猝攻緩之則頓我軍之銳氣急則恐  
驅民以冒矢石爾其相饑以寧輯之

洪武元年吳復破老馬劉於大洪山

使司領縣一

京山

九年改沔陽府爲沔陽州並入玉沙縣直隸湖廣布

政使司領縣一

景陵

十年省當陽入荆門州並潛江屬荆州府

十三年復置當陽縣州仍屬荆州府荆

是年大水崩嚙方城縣治西北盡陷河中乃徙復舊

治

二十二年七月天雨米于荆門李子春家形色淡如小麥

飯香甜

二十三年秋八月丙申朔漢水溢五日

二十四年封郢王于安陸州令軍校開墾田地此安陸官

田之始在國六年卒國除

安陸府志 卷一 十八

成祖永樂二年府城外火延燬數百家有龜鶴池旁

居民顧姓以筏載其家避之水中須臾火四起舉

家焚溺死

七月命監察御史郭林等往賑湖廣水災

五年鍾祥地震有聲城屋垣墻皆壞

二十二年封梁王于安陸州郢府田宅悉給梁王在

國十七年卒國除

英宗正統三年免湖廣府衛稅糧子粒共六十三萬

九千九百八十石以元年二月災故

六年五月御史張鏞奏武昌長沙德安常德□□□  
州荊州衡州岳州辰州沔陽州郴州連年旱澇人  
民缺食已散預備倉竝官倉糧驗口賑貸俟秋成  
還官從之

十三年四月免湖廣所屬旱災無徵秋糧二十五萬  
一百餘石屯糧一十四萬七千餘石

十四年冬漢江永

景泰二年秋免湖廣所屬稅糧子粒一十八萬八千  
四百七十石以正統十四年及景泰元年災故

安陸府志

卷一

十九

天順二年京山大旱潛江水決高家腦流爲東河湮

縣治西河遂塞

河今名乾口

四年六月京山旱

憲宗成化二年劉賊作亂詔官軍擊敗之同知嚴瑞  
始築土城于當陽 都御史原傑招集流亡八萬  
五千餘人乃于遠安縣徙數百戶以實當陽立漳  
河口巡檢司

三年當陽知縣黃恕請于朝賜關壯繆胡文定二祠

春秋祭

四年安陸旱大饑 十二月巡撫荆襄右副都御史  
楊璿奏荆襄安沔間官倉俱無積糧流民不下百  
萬餘請給內帑銀並發附近倉糧賑濟下戶部議  
以湖廣官庫所貯銀一萬一千兩賑之詔可  
五年冬十月朔安陸地震有聲搖動房舍北城桅竿  
折城崩數丈  
三月免湖廣各府衛去年秋糧二十八萬石有奇以  
夏大水故

八年寇入京山治內知縣趙欽始築縣城

安陸府志

卷一

二十

十年夏沔陽大水城內行舟

十一年沔陽火 五月免武昌漢陽黃州岳州德安  
常德荊州沔陽秋糧子粒二十萬九千七百石有  
奇以水災故

十四年六月安陸漢水溢入城漂溺田廬

二十一年安陸大旱 六月沔陽大水

二十二年潛江大饑遣侍郎畢行縣議賑募民出粟  
二千石者予官

二十三年京山大旱民饑

七月戊申冊封次子爲興王

孝宗弘治元年春安陸大饑虎入城傷人 夏以災傷免湖廣本年夏稅二十九萬五千三百石有奇

秋八月火

二年夏沔陽大旱

三年十二月癸亥冊立章聖后爲王妃

四年命建興藩於德安王請就梁邸田地改居安陸  
五年當陽沔陽大旱

十一月賜王莊田初梁王所遺上田皆轄于襄府王

安陸府志

卷一

二十一

疏請許之後又賜赤馬野豬二湖課鈔

六年冬安陸大雪至明年三月雪雨雷電間作

八年二月戊午興王就封安陸乙亥詣文廟行釋奠禮集諸生于明倫堂講周易賜寶鏹有差

十一年京山大旱饑

十二年沔陽大水

十四年六月水決荆門州城崩知州韓侁修之

十五年大旱饑

武宗正德二年秋八月辛巳興獻世子生卿雲見于

翼軫

三年五月安陸大旱興王發米五千石賑之

四年賊丘仁楊清聚衆于麻洋布政使陳鎬副使蔣昇率兵擒之

四年京山大旱饑 夏沔陽大雩

四月安陸州城隳三百餘丈

五年正月安陸學宮芝草生

七年京山大旱饑

八年夏六月沔陽復產瑞蓮

按明舊志吳元年沔陽學產瑞蓮

安陸府志

卷一

二十二

十年夏沔陽黃龍見 冬十一月京山桃李華

十一年潛江大饑 五月丁未安陸沔陽大水漢江

漲溢漂沒民舍人畜溺者甚衆 十二月桃杏華

十二年夏安陸漢溢漂沒田廬沔陽霪雨暴風大作民溺死以千數

十三年都御史陳金奏改沔陽隸漢陽府民言不便者以千數知州李濂奏罷之

三月己酉興獻王給銀四百兩修安陸州先師廟令千戶陳政督修

十四年六月興獻王薨王性恭儉獨好學問朝退不

輟所撰次吟咏雖師儒莫及后又善作柳葉玉一柱鳥

跡諸篆書各極精妙常痛母后迎養弗遂每念

十月賜興王壙誌遣武安侯鄭綱行人王宣欽天監

官吳昇來祭塋如禮謚曰獻

十五年正月以災傷免安陸稅糧

十六年三月丙寅武宗崩以興獻王子嗣位由興邸

入京師是爲世宗 是年白兔見于京山安陸衆

山產芝草

安陸府志

卷一

二十三

世宗嘉靖元年封駙馬都尉崔元爲京山侯

五月辛酉遣官上興獻王名號題主曰興獻帝并捧

冊寶祭器之物于舊邸

八月潛江知縣敖鉞疏請秋災得從輕派

二年京山大旱民饑

三年冬十二月晦沔陽地震

四年秋潛江大熟 漢漲漂没知縣周延疏于朝獲

免租

五年五月修舊邸宮殿 漢水決洋渡初渡口忽陷

成穴有女子衣絳綠常生□□□□□□□□□□  
決

六年夏六月沔陽大水田廬皆壞戊辰迅風大雨雹  
人畜多溺死

七年京山沔陽潛江大旱民食土石 秋七月安陸  
漢溢 八月大疫

九年秋大水 八月丁丑有星如月流于西北其聲  
如雷

冬十二月甘露降于純德山陵

安陸府志

卷一

二十四

十年二月封松林山爲純德山從祀方澤次于五鎮  
遣巡撫都御史凌相祭告

八月以舊邸在安陸州陞州爲承天府仍隸湖廣布  
政使司統州二領縣五

鍾祥 京山 潛江 荊門 當陽 沔陽  
景陵

十二月以水災免湖廣各府並衛所秋糧有差

十一年京山產芝草 當陽大水

二月以旱災免承天府稅糧有差



十二年生員王同道等請增承天府鍾祥縣廩膳增廣生員各六十名從之

十四年漢東岸圯秋世宗遣英國公張溶祭告是夕居民聞空中有衆車馬自東南來降於祭所

十五年二月以湖廣災傷詔發本省事例銀兩及預備倉銀穀賑饑

十六年京山大水 六月不雨至于十七年四月雨七月又旱

正月定承天府學廩生二歲貢三人

安陸府志

卷一

二十五

十七年春鍾祥雨黍粟蕎麥有白兔見于望城岡

夏六月沔陽虎入城千戶黃紹宅乳一豹一虎忽不見

十八年二月駕還省舊邸陵墓詔免承天田租有差仍宣諭承天府百姓賜父老從宗等百四十四名人米四升肉三觔酒一瓶

四月改顯陵衛爲承天衛荊州左衛爲顯陵□仍建留守司統轄顯陵承天二衛

五月設分守荆西道一留守司二司禮監一□□□

七月巡撫都御史陸杰巡按監察御史姚虞奏割荆門州之馬良望鄉二里屬鍾祥縣

十九年設兵備荆西道駐沔陽州分巡德安承天二府

二十年鍾祥大旱十月不雨至夏四月火四發沿燒軍民房屋及報恩寺六月大水八月飛蝗蔽日

二十年沔陽大蝗 夏六月沔陽龍吟于赤水聲聞二十里半日乃止

二十三年景陵大饑 沔陽大旱

安陸府志

卷一

二十六

二十四年鍾祥大饑京山產嘉禾一莖三穗

二十五年鍾祥大有年夏潛江烏鴉啣火燒民廬日夜數十起至秋方止沔陽大水

二十八年潛江漢決沙洋堤洪濤數百里東南民盡遷徙

三十年鍾祥景陵大水潛江決黃漢沙洋漂民舍

九月賜帑金命有司修府儒學先師廟親製碑文勒石立之學宮

三十三年景陵旱民採菱藕爲食

三十四年冬十二月潛江景陵地震有聲自西來  
三十五年沔陽大水

三十六年鍾祥仙人洞芝草生

三十八年六月潛江雨泥 七月竹盡華

三十九年京山沔陽大水鍾祥民家牛生六足荆門  
破寸金堤水至城下高二丈餘一月乃退

四十年沔陽大水潛江正月大雪至于三月民大饑  
冬地震

四十一年鍾祥大水九月地震有聲冬十月長至甘

安陸府志

卷一

二十七

露降

四十二年七月京山甘露降于學宮古栢

四十三年景陵石家河民間產白鵲

四十五年冬十一月沔陽地震

穆宗隆慶元年二年三年鍾祥大水大饑

四年秋以旱災蠲承天今年稅糧有差其景陵被災  
最重者命起運南糧改折其半仍發贖銀及倉  
糧賑之

五年沔陽大水 鍾祥牛生五足

神宗萬曆元年四月潛江大火數發市民露宿野外  
以避

六年冬鍾祥大雪彌月

八月夏五月鍾祥大水七月潛江漲決白鶴寺經旬  
不退

十一年四月鍾祥大水入城潛江城潰壞官民廬舍  
萬數人多溺死

十三年潛江水

十四年沔陽大水

安陸府志

卷一

二十八

十五年大水

十六年春荆門白虎山脊忽雷起陷成方井深廣三  
四丈京山大饑沔陽旱潛江四月雨雪磚小者如  
菱角大者如拳有角斗米百錢民有殍

十七年京山大旱紅花峪產白雉

秋九月以災傷蠲湖廣所屬秋糧有差仍發預備倉  
粟賑之

十九年鍾祥沔陽潛江大水入城荆門山水驟溢城  
北水口山崩

二十年潛江大旱荆門四月異水復至

二十一年鍾祥大水饑

二十三年大饑民噉石麵多死

二十四年十一月承天府二門賓館東三房火

二十五年六月京山大水七月荆門州黃陵坡一山

高數尋一夕平地八月潛江河水震盪池井俱溢

二十八年冬潛江大火北城樓燬

二十九年京山大旱正月朔日沔陽大火官舍民房

燬以千計八月江水泛濫初四日水發三丈餘初

安陸府志

卷一

二十九

七日方退

三十年正月鍾祥大雪四月大雨水入城

三十一年八月五色雲見馬良山產靈芝 十月馬

生角

三十二年地震

三十三年九月以旱災免承天府田租及改折屯田

子粒有差

三十五年鍾祥大饑

三十六年鍾祥大有年 三四五月沔陽雨江堤壞

水至城內行舟

三十七年鍾祥天雨粟 沔陽大旱

三十九年沔陽大有秋

十月以湖廣災傷准改折漕糧十萬石

十一月以湖廣災傷免追三十二年至三十六年積

欠兵壯銀仍蠲本年存留糧有差

四十一年沔陽大水 次年又水 次年又大水

四十四年八月蝗 十一月雨雹

四十五年日中黑子摩盪 十一月太白經天

安陸府志

卷一

三十

四十六年九月彗星見

四十八年甘露降于寢園松栢

熹宗天啟元年辛酉正月鍾祥大雪漢水凍冰堅可

渡 沔陽是年大水

九月免承天災傷田租

二年五月京山大水漂沒廬舍溺死民畜甚衆城壞

數十丈

冬月荆門州隕石入地三尺有聲

五年六月熒惑入南斗 十月桃李花

懷宗崇禎元年十月沔陽下凌湖河魚凍死檢魚者亦多凍死凌重樹木倒仆

二年京山大旱饑

三年秋七月沔陽地震九月又震傾屋傷人

四年九月鍾祥大水沔陽諸垸無收

五年十月鍾祥大水

七年二月京山雨黑豆四月雨血大風寒氣如冬

九年鍾祥大水八月蝗 京山產牛一身二頭

十年正月日光摩盪 五月蝻渡河入民居遍野害

安陸府志

卷一

三十一

稼 京山羊祜嶺自行五十餘步

十一年湖廣兵荒兵部郎中鄧謙奏之詔蠲舊欠秋

糧本年夏稅俟麥熟時開徵 是年沔陽火災

十二年鍾祥旱 春三月沔陽地震夏六月中襄水

溢

十三年五月減湖廣田租 冬沔陽水冰歲大饑

十四年八月鍾祥京山沔陽大蝗荆門州泮水赤三

日

十二月狼入鍾祥南門城樓鴟吻吐烟三日

十五年正月朔鍾祥雷鳴八月大水十二月二十七  
夜黑氣如虹

五月詔蠲湖廣去年舊欠秋糧

十二月賊于石牌作浮梁渡兵三十日賊隊大至遂  
逼郢城

十六年正月丙申朔闖賊李自成陷承天府巡撫都  
御史宋一鶴留守司沈壽崇鍾祥縣知縣蕭漢被  
執不屈死之

二月賊據郢改府爲揚武州以陳蓋爲僞防禦使並  
安陸府志

卷一

三十二

設州縣等官

本朝世祖順治二年四月 靖遠大將軍英王帥師  
逐賊賊望風遁去

次年改承天爲安陸府各州縣設隸官屬名號悉仍  
明舊制

十月詔地畝錢糧俱照前朝會計錄原額自順治元  
年五月初一日爲始按畝徵解凡加派遼餉新餉  
練餉召買等項悉行蠲免其大兵經過地方仍免  
正糧一年歸順地方不係大兵經過者免三分之



一

三年沔陽歲大有

四年沔陽大有秋 七月下泗港水赤三日

五年春霪雨

六年鍾祥大水

七年夏六月沔陽茉莉灣潰口水滄西湖二百餘垵

八年春二月沔陽地震

九年鍾祥京山大旱 秋大水

十年鍾祥有年

安陸府志

卷一

三十三

十一年鍾祥大水 沔陽潛堤口潰水滄西湖等垵

六月詔順治六年七年地畝人丁本折錢糧果係拖

欠在民者悉與豁免其已徵在官者不得藉口民

欠

十二年四月鍾祥沔陽大水

十三年二月二十九日晝晦震雷雨雹田稼皆損

十四年五月京山學宮虹見

十五年夏秋襄南二水泛漲水災異常

冬十月以水災免淤洲水租

十六年春沔陽大饑 秋大水

十七年沔陽西湖姚老坑水後田澤中忽蜃市現  
七月奉文查蠲順治十二年至十五年錢糧之實欠  
在民者

十八年鍾祥京山大旱 沔陽大水

康熙元年八月鍾祥沔陽大水是年以水災蠲租  
冬會兵勦西山起運夫于各州縣往來死傷甚衆  
二年正月二十五夜鍾祥地大震二月初四日卯時  
連震五月二十九夜復震是月大旱

安陸府志

卷一

三十四

八月大水荆門火營房民舍殆盡是年秦豫楚三省  
兵俱進勦西山楚師深入搃七連坪逆賊李來亨  
悉力以禦楚師退至當陽遂發大兵復率諸提鎮  
攻圍來亨於茅麓寨各道府轉餉未絕

三年八月西山平悉誅不順命者大兵凱旋運夫始  
息 九月異星見

四年詔減運夫死亡者丁徭以楚民元氣盡喪特從  
督撫之請也是歲鍾祥有秋

五年二月十三日鍾祥火延燒數百家十九日火二

十八日城內外俱火府治燬 六月旱七月雨雹  
按紀事編年以備徵考荒邈者無稽繁曠者難載  
故倣春秋綱目遺意凡興創兵戎災祥諸大端則  
揭而書之至郡邑由來最爲紛更雖節舉其要仍  
另述沿革于左使覽者知所條貫無憾掛漏焉

### 沿革

安陸府禹貢荊州之域漢濱之地跨潛沔雲夢滄浪  
三澨諸藪澤三代以來如權國即今荆門當陽如鄖  
子國即竟陵雲杜總隸荊州周成王封熊繹於荆其

安陸府志

卷一

三十五

後都郢更名楚相傳南郡江陵有楚都舊址盖皆荆  
之封壤春秋爲郢戰國曰郢中秦置南郡改郢都  
爲郢縣漢分南郡置江夏郡以臨沮當陽編都屬南  
郡竟陵雲杜屬江夏郡魏改臨沮屬襄陽郡晋初編  
都當陽郡縣屬南郡雲杜竟陵南新市屬江夏郡太  
康九年分江夏西界立竟陵郡領長壽竟陵新市霄  
城雲杜治石城隆安五年以沮漳降蠻立武寧郡樂  
鄉長林二縣又立長寧郡後又改長寧郡爲永寧郡  
領長寧縣南宋立馮翊郡領蓮勺高陸都縣又以竟

陵郡屬郢州齊以臨沮當陽編都屬南郡竟陵雲杜  
霄城長壽新市屬竟陵郡新市又與新陽屬安陸郡  
編都新陽又屬懷化郡新市新陽又與武寧屬武寧  
郡梁立北新州及梁寧郡領長壽縣景陵郡領梁安  
縣武寧郡領縣如舊安陸郡領南新市及新陽縣建  
安郡領霄城縣又置安居縣沔陽郡西魏置都州基  
州及章山郡上黃郡以長壽隸安州改馮翊郡爲漢  
東郡蓮勺縣爲藍水縣高陸縣爲澉水縣北新州曰  
溫州新陽曰角陵南新市曰富水又置盤陂縣而省

安陸府志

卷一

三十六

州陵惠懷二縣置縣曰建興改竟陵縣曰霄城置竟  
陵郡後周分置石城郡又置平州領漳川安遠二郡  
屬梁蕃於建興置復州霄城復曰竟陵後於石城置  
郢州廢竟陵郡保定中新州及梁寧等郡廢入竟陵  
郡隋開皇元年廢石城安陸馮翊三郡於竟陵縣置  
復州後徙治沔陽七年改平州爲玉州九年廢漳州  
安遠武寧綠麻及玉州十三年省長林縣入長寧縣  
十八年復長林屬南郡廢長寧改安居曰昭丘仁壽  
三年復州復治建興大業元年復置竟陵口省澉水

入藍水廢温州改角陵曰京山廢盤陂入焉改昭丘曰荆臺尋廢入當陽廢復州置沔陽郡唐初移復州治竟陵武德四年以京山富水復置温州於長林縣東境立基州並置章山縣復置平州並析置臨沮縣以樂鄉置都州五年改沔陽郡爲復州六年改平州爲玉州七年廢基州以漳山隸郢州八年省漳山入長林廢玉州省臨沮以當陽縣屬江陵貞觀元年廢郢州以長壽隸都州漳山屬江陵郡以都州領長壽省上洪又省藍水縣入焉七年徙沔陽郡治沔陽鎮

八年廢都州以長壽樂鄉率道隸温州十七年復置郢州治京山廢温州而以京山富水屬焉後改富水郡天寶元年更沔陽郡爲竟陵郡乾元元年復改富水郡爲郢州還治長壽又改復州爲竟陵郡寶應二年竟陵郡復治竟陵縣貞元二十一年析長林縣置荆門縣大中間置征科巡院於白沙白泚後晉天福元年改竟陵曰景陵高季昌建荆門縣爲荆門軍治當陽等省宋乾德二年並富水縣入京山縣三年改白泚院爲潛江縣白沙院爲玉沙縣皆屬江陵府開

寶五年復置荆門軍領長林當陽二縣徙治長林至道二年以玉沙縣屬景陵郡寶元二年廢沔陽爲鎮併入玉沙熙寧六年廢復州以景陵縣屬安州併入玉沙廢荆門軍以荆門縣復隸江陵府元佑元年復置復州及玉沙縣而以玉沙景陵隸復州三年復置荆門軍建炎十四年廢當陽縣入長林縣十六年復置當陽縣屬復州端平三年復州玉沙縣併徙沔陽荆門軍治當陽縣元至元十二年改復州爲復州路十四年改荆門軍爲荆門府十五年改郢州爲安陸

安陸府志

卷一

三十八

府領長壽縣隸河南行省移荆門府治古城領長林當陽二縣十六年改復州路爲沔陽府領玉沙景陵二縣隸河南行省天曆元年改荆門府爲荆門州明洪武八年改安陸府爲安陸州領京山縣以長壽縣省入直隸湖廣布政司九年改沔陽府爲沔陽州並入玉沙領景陵縣直隸湖廣布政司十年省當陽縣入荆門州並潛江縣屬荆州十三年復置當陽仍屬荆州府嘉靖十年以舊邸在安陸州改爲承天府設鍾祥縣附郭仍與京山並割荆州府之潛江縣荆門

州當陽□□□陽州□□縣□□□□廣布政司  
本朝順治二年改承天府爲安陸府所屬州縣名號  
仍舊制

鍾祥縣春秋郊郢之地戰國曰郢中秦屬南郡漢爲  
江夏郡地晉竟陵郡治後置長壽縣宋齊因之梁立  
北新州置梁寧郡領長壽縣西魏屬安州後周分置  
石城郡後於石城置郢州隋開皇初郡廢大業初復  
置竟陵郡唐復立郢州治長壽縣貞觀元年州廢以  
長壽縣隸都州十七年復置郢州治京山後改富水

安陸府志

卷一

三十九

郡乾元初復爲郢州還治長壽後周廢富水入京山  
宋爲郢州富水郡防禦屬京西南路元至元十五年  
改郢州爲安陸府隸河南行省明初因之洪武八年  
改安陸府爲安陸州以長壽縣省入今之元佑宮即  
其基也嘉靖十年改安陸州爲承天府設鍾祥縣附  
郭十八年巡撫都御史陸杰巡按監察都史姚虞又  
奏割荆門州之馬良望鄉來屬 本朝順治三年改  
承天府爲安陸府鍾祥縣仍附郭

京山縣漢雲杜安陸二縣地東漢爲雲杜南新市二

縣境晉屬竟陵郡宋齊因之梁立北新州置安陸郡  
領南新州及新陽縣西魏改北新州曰温州新陽曰  
角陵改南新市爲富水縣又置盤陂縣隋開皇初郡  
廢大業初州廢改角陵曰京山廢盤陂入焉唐初屬  
安州武德四年以京山富水復置温州貞觀十七年  
州廢二縣皆屬郢州宋乾德二年以富水縣併入元  
屬安陸府兵亂移治漢濱至元十二年還舊治明世  
因之屬安陸州嘉靖十年改州爲承天府 本朝改  
爲安陸府縣仍屬

安陸府志

卷一

四十

潛江縣漢南郡江陵縣地爾雅水自漢出爲潛蓋漢  
水自鍾祥北三十里分流爲蘆泐河逕縣東南復人  
於漢故名唐大中間置征科巡院於白泐五代高季  
昌據荆南沿漢築隄以防水患宋乾德初改安遠鎮  
爲潛江縣元因之至正中隄決遷治于斗堤後爲僞  
漢所據明初縣復屬荊州府嘉靖十年改屬承天府  
本朝改承天府爲安陸府縣仍屬

荊門州古權國漢臨沮當陽編都四縣地屬南郡魏  
改臨沮屬襄陽郡晉隆安五年析置武寧郡領樂鄉



長林又立長寧郡後改爲永寧領長寧縣隋開皇十一年省長林縣入長寧十八年復長林屬南郡廢長寧唐武德四年於長林縣東境立基州並置章山縣七年州廢以章山隸郢州郢州廢又屬江陵郡八年省章山入長林貞元二十一年析長林置荆門縣五代高季昌建荆門縣爲荆門軍治當陽宋開寶五年復置軍治徙長林熙寧六年軍廢縣復隸江陵府元佑三年復爲軍端平三年又徙治當陽元至元十四年改爲府十五年移治古城天曆初改爲州明初因安陸府志

卷一

四十一

之洪武中以長林縣省入領當陽屬荊州府嘉靖十年改屬承天府仍領當陽 本朝改承天府爲安陸府州仍屬

當陽縣漢舊縣屬南郡左傳楚攻王師於漳箠卽此宋齊因之梁又置安居縣後周置平州領漳川安遠二郡隋開皇七年改平州爲玉州九年州郡並廢十八年改安居曰昭丘大業初改曰荆臺尋廢入唐武德四年復置平州並析置臨沮縣六年改爲玉州八年州廢省臨沮以縣屬江陵高季昌置荆門軍於此

宋開寶五年縣自江陵來屬荆門軍熙寧六年軍廢縣復隸江陵府元佑三年復置軍端平三年軍移治此紹興十四年廢縣入長林十六年縣復置元因之明初屬荊州府後改屬荆門州洪武十年省入荆門州十三年縣復置仍屬州嘉靖十年改屬承天府本朝改承天府爲安陸府縣仍屬

沔陽州春秋爲楚地秦屬南郡二漢爲南郡江夏二郡地晉分置竟陵郡宋齊因之梁置沔陽郡西魏省州陵惠懷二縣置縣曰建興後廚置復州隋煬帝初

安陸府志

卷一

四十二

州廢置沔陽郡唐武德五年改爲復州移治沔陽乾元初又改復州曰竟陵郡宋初因之乾德三年以白沙院爲玉沙縣屬江陵府至道三年以玉沙縣來屬寶元二年廢沔陽爲鎮併入五沙熙寧六年廢州以景陵縣安州玉沙亦廢元佑元年復置復州及玉沙縣端平三年州縣併徙治于沔陽鎮元至元十二年改爲復州路十六年改爲沔陽府領玉沙景陵二縣隸河南行省明初因之洪武九年改爲沔陽州並入玉沙縣直隸湖廣布政司嘉靖十年改屬承天府仍

領景陵縣 本朝改承天府爲安陸府州仍屬  
景陵縣古鄖子國地後併於楚大夫鬬辛封於此秦  
白起攻楚拔郢東至竟陵卽此漢始置竟陵縣屬江  
夏郡晉因之西魏改曰霄城置竟陵郡隋開皇初於  
此置復州後徙治沔陽仁壽三年州復徙建興唐初  
移復州治竟陵晉天福元年改竟陵縣曰景陵縣宋  
熙寧六年隸安州元佑元年仍隸復州端平三年縣  
並州徙沔陽鎮後兵亂徙治不常元改復州路爲沔  
陽府縣還舊治明初困之後改沔陽府爲沔陽州縣  
安陸府志

卷一

四十三

仍屬嘉靖十年改屬承天府 本朝改承天府爲安  
陸府縣仍屬

論曰郡在古爲荊州域自沱潛旣道雲土夢作乂而  
墳壤始辨理亂迭更歷秦漢六朝唐宋元明以迄於  
今遷改靡常有兼並有割裂郡時而爲州州時而爲  
郡名旣不一地亦屢徙備載世代以便稽考其有兵  
戰災祥卽繫子其間至沿革源流復仍舊貫而增益  
焉一以存典冊一以廣睹聞也其或詳畧失實疑信  
相參則後之視今猶今視昔亦惟曰設險不若修文

彰往不若察來云爾

安陸府志



卷一

四十四